




ЎЗБЕКИСТОН РЕСПУБЛИКАСИ ПРЕЗИДЕНТИ ПЕКИНДА ҚИШКИ ОЛИМПИАДА ЎЙИНЛАРИНИНГ ОЧИЛИШ МАРОСИМИДА ИШТИРОК ЭТДИ



Ўзбекистон Республикаси Президенти Шавкат Мирзиёев Пекин шаҳрида XXIV қишқи Олимпия ўйинларининг тантанали очилиш маросимида иштирок этди.

Тадбир хорижий давлатлар етакчилари, расмий делегациялар ва халқаро ташкилотлар раҳбарлари иштирокида Пекиндаги “Күш уяси” миллий стадионида бўлиб ўтди.

Маросим бадиий дастури ХХР Раиси Си Цзиньпин томонидан илгари сурилган

“Инсоният умумий тақдири ҳамжамияти” концепциясини ўзида муҳасан этган бўлиб, Хитой халқининг қадимий тарихи ва бой маданияти, жаҳон иқтисодиёти пешқадами сифатида эришаётган улкан муваффақият ва ютуқлари, халқаро олимпия ҳаракатининг руҳи ва қадриятларини акс эттирди.

Сўнг Миллатлар паради бўлиб ўтди. Қишқи Олимпиадада иштирок этаётган мамлакатларнинг спорт делегациялари, шу жумладан, Ўзбекистон жамоаси стадион бўйлаб юрди. Ўйинларда юртимиздан қатнашаётган тоғчанғичиси Комилжон Тўхтаев Ўзбе-

кистон давлат байроғини тантанали кўтариб ўтди.

Ёрқин спорт байрами авжида Олимпия олови ёқилди. Маросим байрамона мушакбозлик билан якунланди.

4 — 20 февраль кунлари ўтказиладиган Олимпия мусобақаларида спортнинг 15 та

ўйналиши бўйича 109 та медаллар тўплами ўйналади, улар учун дунёнинг 90 дан ортиқ мамлакатларидан 4 мингдан зиёд спортчилар курашади.

Ў.А.

Ўзбекистон Республикаси Президенти
Матбуот хизмати суратлари.

Ўзбекистон Республикаси Олий Мажлиси Сенатининг йигирма учинчи ялпи мажлиси тўғрисида АХБОРОТ

4 февраль куни Тошкент шаҳрида Ўзбекистон Республикаси Олий Мажлиси Сенатининг йигирма учинчи ялпи мажлиси ўз ишини давом эттирди.



Видеоконференцалоқа тарзида ўтказилган мажлисда Хукумат аъзолари ва идоралар раҳбарлари, Сенат хузуридаги Ёшлар парламенти аъзолари, шунингдек, оммавий ахборот воситалари вакиллари иштирок этди.

Ялпи мажлисни Ўзбекистон Республикаси Олий Мажлиси Сенати Раиси Танзила Норбоева олиб борди.

Ялпи мажлис иши “O‘zbekiston” ва “UzReport” телеканаллари, шунингдек, Сенатнинг www.senat.uz расмий веб-сайти ва ижтимоий тармоқлардаги саҳифалари орқали тўғридан-тўғри жонли эфирда намойиш этилди.

Дастлаб сенаторлар Вазирилар Маҳкамасининг 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломамлигини мустаҳкамлаш йили” да амалга оширишга оид Давлат дастурининг ижроси бўйича ҳисоботи эшитилди.

Хукумат ҳисоботи билан танишган сенаторлар Давлат дастуридаги ақсарият вазифа-

лар ижроси таъминланганини қайд этдилар.

Хусусан, дастурнинг 273 та бандидан 243 таси тўлиқ бажарилган, 5 та банддаги вазифаларнинг ижро муддати узайтирилган, 20 та банднинг ижроси юзасидан тегишли ҳужжат лойиҳалари ва тақлифлар Ўзбекистон Республикаси Президенти Администрациясига, 5 та банднинг ижроси бўйича тегишли лойиҳалар Олий Мажлис палаталарига киритилган.

Дастурда белгиланган вазифалар ижросини таъминлаш мақсадида 187 та норматив-ҳуқуқий ҳужжат ва бошқа ҳужжатлар қабул қилинган.

Макроиқтисодий барқарорликни янада мустаҳкамлаш ва иқтисодий ўсишнинг юқори суръатларини сақлаб қолишга алоҳида эътибор қаратилиб, 2021 йилда ўтган йилдагига нисбатан ялпи ички маҳсулот ҳажмини 7,4 фоиз оширишга эришилган, чакана савдо айланмаси ҳажми 12,0 фоиз ўсган, бюджет даромадлари 164 триллион 700 миллиард сўмга ижро этилган.

“Обод қишлоқ” ва “Обод маҳалла” дастурлари доирасида 7 800 та қишлоқ ва маҳаллада 45 567 та объектда қурилиш, таъмирлаш, ободонлаштириш ишлари тўлиқ якунига етказилган. 8 триллион 731 миллиард сўм миқдордаги маблағлар ҳисобига 20 300 километр узунликдаги автомобиль йўлларидан, 382 та кўприкда қурилиш, реконструкция қилиш ва таъмирлаш ишлари бажарилган. 5 892 километр ичимлик суви тармоқлари ҳамда 559 та иншоот қурилиши ва реконструкция қилиниши натижасида 1 миллион 500 минг аҳоли илк бор марказлашган ичимлик суви билан таъминланган ва марказлашган ичимлик суви билан таъминланганлик даражаси 65,1 фоиздан 69,7 фоизга етказилган.



Нуриддинжон ИСМОИЛОВ,
Ўзбекистон Республикаси Олий Мажлиси Қонунчилик палатаси Спикери:

ТАРАҚҚИЁТ СТРАТЕГИЯСИ — КЕНГ КўЛАМЛИ ИСЛОҲОТЛАРНИНГ ҲУҚУҚИЙ АСОСИ

Мамлакатимиз Президентининг тегишли Фармони билан 2022 — 2026 йилларга мўлжалланган Янги Ўзбекистоннинг тараққиёт стратегияси ҳамда уни “Инсон қадрини улуғлаш ва фаол маҳалла йили” да амалга оширишга оид Давлат дастури тасдиқланди. Ушбу ҳужжат келгуси беш йилда мамлакатимизда “Ҳаракатлар стратегиясидан — Тараққиёт стратегияси сари” тамойили асосида амалга ошириладиган кенг кўламли ислохотларнинг зарур сиёсий-ҳуқуқий, ижтимоий-иқтисодий ва илмий-маърифий асосларини яратишга қаратилганлиги билан аҳамиятлидир.

Таҳлил

Таъкидлаш жоизки, Тараққиёт стратегияси сўнгги йилларда мамлакатимиздаги тизимли ижобий ўзгаришларнинг асосий ҳуқуқий пойдевори бўлиб хизмат қилган Ҳаракатлар стратегиясини ҳаётга татбиқ этиш натижасида келиб чиққан хулосалар ҳамда тўпланган улкан тажриба ва самарали

хулосалар натижалари ҳамдир.

Тараққиёт стратегияси лойиҳаси жамоатчилик муҳокамасидан ўтказилганлиги, муҳокамалар жараёнида халқимиз томонидан билдирилган 17,5 мингдан ортиқ тақлиф ва мулоҳазалардан келиб чиқиб, лойиҳага 100 га яқин концептуал ҳамда 200 дан зиёд аниқ характерга эга

ўзгариш ва қўшимчалар киритилганлигининг ўзи ҳам бу муҳим ҳужжат қай даражада халқчил эканлигини яққол кўрсатиб турибди.

Шу ўринда инсон қадрини юксалтириш, эркин фуқаролик жамиятини янада ривожлантириш энг олий қадрият сифатида қаралган ушбу ҳужжат лойиҳасининг муҳокамаларида Қонунчилик палатасидаги сиёсий партиялар фракциялари, қўмиталар, комиссиялар,

депутатлар ва Ёшлар парламенти аъзолари ҳам ўзларининг асосланган тақлиф ҳамда тавсиялари билан фаол иштирок этди.

“Инсон — жамият — давлат” деган тамойил асосида шакллантирилган, “Инсон қадри учун”, “Давлат — инсон учун” деган эзгу гоғларни ҳаётга татбиқ этиш мақсадида ишлаб чиқилган ушбу дастурий ҳужжатда яқин ва ўрта истиқболда мамлакатимизнинг ривожланиш тенденциялари қандай бўлиши, бу борадаги устувор вазифалар белгиланган бўлиб, 7 та устувор йўналиш юзасидан кейинги беш йилда 100 та мақсад ва 398 та вазифани амалга ошириш кўзда тутилган.



Олий Мажлис Қонунчилик палатасида

ИНСОН ҚАДРИ УЧУН — 100 ТА МАҚСАД

Олий Мажлис Қонунчилик палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси томонидан “Янги Ўзбекистон тараққиёт стратегиясидаги инсон қадрини таъминлашнинг устувор мақсад ва вазифаларини амалга оширишда парламентнинг ўрни” мавзусида давра суҳбати ўтказилди.

Унда Олий Мажлис Қонунчилик палатаси депутатлари, Иқтисодий тараққиёт ва камбағалликни қисқартириш, Маҳалла ва оилани қўллаб-қувватлаш ҳамда Адлия вазирликлари, “Юксалиш” умумийлик ҳаракати, “Тараққиёт стратегияси” маркази, Ёшлар ишлари агентлиги, ЎзННТМА, Қонунчилик муаммо-



КАВКАЗЛИК ЗИЁРАТЧИЛАР УЧУН ЎЗБЕКИСТОНГА МАХСУС ЗИЁРАТ-ТУР ИШЛАБ ЧИҚИЛДИ

Ўзбекистоннинг Озарбайжондаги элчиси Баҳром Ашрафзонов Кавказ мусулмонлари идораси (КМИ) раиси шайхулислом Оллоҳшукур Пошшозода билан учрашув ўтказди.

Биз ва жаҳон

Тадбирда томонлар Ўзбекистон ва Озарбайжон ўртасидаги муносабатларнинг бугунги ҳолатига юқори баҳо бериб, икки давлат раҳбарлари ўртасидаги яқин муносабатлар умумий тарихга, муштарак диний ва маънавий қадриятларга эга бўлган дўст ўзбек ва озарбайжон халқла-

рининг умумий манфаатларига хизмат қилишини таъкидлади. Элчи ислом оламининг машҳур илм-фан марказларидан бири бўлган Ўзбекистоннинг диний-маънавий қадамжоларини оммалаштириш муҳимлигига эътибор қаратар экан, Кавказ мусулмонлари идораси раҳбари-

нинг эътиборини бу борада амалга оширилаётган ишлар ҳақидаги маълумотларга қаратди. Хусусан, Ўзбекистон туризм ва спорт вазирлиги томонидан Озарбайжон ва Кавказ мамлакатлари мусулмонлари учун Ўзбекистоннинг машҳур тарихий шаҳарлари, жумладан, Тошкент, Бухоро ва Самарқанд орқали етти кунлик саёҳатдан иборат “Оллоҳшукур Пошшозода изидан” номли зиёрат-тур ишлаб чиқилгани таъкидланди.



